

五柳先生传

陶渊明

先生不知何许人也、

不以地传。

亦不详其姓字。

不以名传。

宅边有五柳树、因以为号

焉。

取号大奇。

闲静少言、不慕荣利。

一似无所嗜好者、却又好书嗜酒。

好读书、不求甚解。

是为善于读书者。

每有

会意、便欣然忘食。

盖别有会心处。

性嗜酒。家贫、不能常得。亲旧知其如此、

或置酒而招之。造饮辄尽、期在必醉。

是为深得酒趣者。

既醉而退、曾不吝吝、情去

留。

适得本来面目。

环堵萧然、不蔽风日。短褐穿结、箪瓢屡空、晏如也。

领得孔、颜乐处。

著文章自娱、颇示己志。忘怀得失、以此自终。

超然世外。

赞曰、黔娄

古高士。

有言、

不戚戚于贫贱、不汲汲于富贵。其言兹若人之俦乎。

为若人之俦而言。

衔觞赋诗、

以乐其志、无怀氏之民欤、葛天氏之民欤。

想见太古风味。

渊明以彭泽令辞归。后刘裕移晋祚、耻不复仕、号五柳先生。此传乃自述其生平之行也。潇洒澹逸、一片神行之文。